

Ita postquam laudaret Angelum idest Episcopum Pergami, culpat eum tamen, quod negligeret turbare, & corripere tenentes doctrinam Nicolaitarum, qui docebant mittere scandalum, unde dicit, *similiter poenitentiam age, si quo minus veniam tibi cito, & pugnabo cum illis in gladio oris mei.*

Angelo Thyatire Ecclesie scribit pariter; habeo adversus te pauca, quia permittis mulierem Jezabel, quae se dicit propheten, docere, & seducere servos meos, fornicari, & manducare de Idolo: bis &c.

Angelo Ecclesie Sardis, cap. 3. scribit, *Scio opera tua, quia nomen habes, quod Vivas, &*

*mortuus es, esto vigilans, non enim invenio opera tua plena coram Deo meo, in mente ergo habe qualiter acceperis, & audieris, & serva, & poenitentiam age, si ergo non vigilaveris, veniam ad te tamquam fur, & nescies qua hora veniam ad te.*

Angelo Laodicie scribit, *Scio opera tua, quia neque frigidus es, neque calidus, utinam frigidus esses, aut calidus, sed quia tepidus es, & nec frigidus, nec calidus incipiam te evomere ex ore meo.*

Ex quibus bene intelligimus quantum Deus attente consideret, & subtiliter Judicet Episcoporum negligentias, & omissiones.

## De Negligentia Exequentium Litterarum Apostolicarum.

### S U M M A R I A.

- 1 Exequentes litterarum Apostolicarum possunt esse in triplici genere, vel litterarum in forma gratiosa, vel in forma dignum, vel illo negligente, datur tertius, qui suppleat negligentiam secundi.
- 2 Ut iste tertius suppleat negligentiam secundi necesse est, ut constet de tali negligentia, nec sufficit, ut nolit exequi, quia potest habere justam causam non exequendi.
- 3 Si Uni tantum facta sit commissio, qui sit negligens exequi, tunc recurrendum est ad Papam committentem, ut alium deputet exequentem.
- 4 Ut constet de negligentia exequentis, oportet, ut constet litteras fuisse exequenti presentatas, & Juxta Concilium decurrisse post presentationem duos annos.
- 5 Erit negligens exequent, si non vocavit eos, qui erant Vocandi, vel qui habebant interesse in causa, vel ex vi clausule Vocatis Vocandis.
- 6 Non tamen sunt Vocandi, qui habent interesse tantum secundario.
- 7 Neque qui sperant habere interesse in futurum, sed tantum habent interesse de presenti.
- 8 Non est negligens exequent litterarum Apostolicarum, si ideo non exequitur, quia restat aliquid probandum.
- 9 Non tamen debet impedire executionem exceptio turbida, quae requirat altiore indaginem.
- 10 Merus exequent non debet admittere ullam exceptionem, sed debet exequi prompte, ne sit negligens.
- 11 Merus exequent neminem citat, aut Vocat, exequent vero mixtus debet citare, & Vocare quoscumque habentes interesse.
- 12 Vel habeant interesse ratione possessionis, vel ratione proprietatis.
- 13 Debet exequent mixtus servare ordinem Judicarium.
- 14 Propter imperitiam exequentum, quandoque in litteris Apostolicis apponuntur aliqua clausulae majoris claritatis gratia.

## A R T I C U L U S XVIII.

### De Negligentia Exequentium Litterarum Apostolicarum.



Exequentes litterarum Apostolicarum sunt in triplici genere, alii, qui deputantur ad executionem gratiae factae à Papa, qui providit de beneficio illud

conferendo in forma gratiosa, quo modo Papa confert beneficium, deinde committit exequenti, ut provisum mittat in possessionem; Alii qui deputantur ad exequendas litteras apostolicas in forma dignum, idest si N. idoneum reperieris per diligentem examinationem, eidem beneficium conferas, & solet in hoc casu, dato termino triginta dierum, qui incipit currere à die praesentationis litterarum Apostolicarum, huic exequenti deinde, vel in eisdem litteris, vel aliis distinctis apponi, & si infra 30. dierum primus non conferat, idest secundus exequent; eidem N. conferas beneficium, ex qua dicendi forma aperte constat, quod secundus exequent potest devenire ad executionem litterarum Apostolicarum solummodo in casu negligentiae, & morositatis primi, & est tertium genus exequentum.

Hinc si primus exequent datus in forma dignum, ex aliqua causa nolit conferre beneficium, vel ex defectu scientiae in providendo, vel ex defectu Civilitatis, ordinis, vel alterius qualitatis requisitae in collatione talis beneficii, cum non dicatur negligens non conferendo, ex quo negligens est, qui potest, & tenetur conferre, & non confert, in casu autem praedicto, nec potest, nec tenetur conferre ob defectum qualitatis requisitae; idem non potest providendus recurrere ad secundum exequentem, sed ad summam poterit appellare ad superiorem, ad quem de Jure, & ratio est quia deputatio secundi exequentis est conditionalis, si primus exequent fuerit negligens, & morosus, qua conditione non verificata, de quo constare debet, ad Rotam allegatam per Garziam de benef. p. 6. c. 2. num. 95., Gratian. discept. for. c. 92. num. 30. 31.,

secundus non habet facultatem exequenti, ut bene notavit Garzias de benef. dicta p. 6. c. 2. num. 61., & 62., ubi Rota, & seqq., ubi quod datur secundus exequent in odium negligentiae primi, & num. 75. in fine.

- 3 Si autem contingat, ut executio litterarum Apostolicarum committatur uni tantum exequenti, ut soli ordinario, tunc eo negligente exequi, ad Papam committentem, est recurrendum.
- 4 Quod autem requiratur, quod constet de Negligentia exequentum ad effectum, ut executio devolvat, declaravit Rota coram Remboldo in Aquilana bonorum 17. Junii 1624. quae est decis. 521. num. 8., & 9. inter ejus impressas per haec verba (Nec obstat, quod cum dicti speciales exequentes non expediverint causam intra biennium, fuit eorum jurisdictio ad Auditorem Camerae devoluta Vigore decreti S. Concilii Trident. sess. 24. c. 20. de reform. quia praeterquam quod non constat, quod dicti exequentes fuerint requisiti ut dictas litteras debita executioni demandarent, quodque à die hujusmodi requisitionis lapsus esset biennium, ut requiritur per decretum Sacri Concilii ibi à die motae litis, & quod per eos steterit, quo minus procederetur ad executionem dictarum litterarum, juxta notata per Rebuff. super concordatis 66. de forma litterarum exequent. mandati Apostolici in Vers. recusaverit, & Vers. Negligentes fuerint. Rota. decis. 293. sub nu. 1. p. 2. recent.
- 5 Erit negligens pariter exequent, si debebat Vocare aliquos, & non Vocavit, vel quod essent vocandi ex dispositione Juris, ut habentes interesse, vel ex vi clausulae, in commissione insertae nempe Vocatis Vocandis ad tradita per Corrad. Praxi dispensat. lib. 9. cap. 5. num. 14., ubi num. 15., quod non sunt Vocandi, qui non possunt impedire executionem, & per hanc clausulam dicitur exequent mixtus.
- 6 Neque sunt vocandi habentes interesse tantum secundario, ut declaravit Rota coram